



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iohannis Scheffleri S. R. Eccl. Presbyteri Concilium
Tridentinum antè Tridentinum**

Angelus <Silesius>

Nissæ, 1675

Articulus Decimus Septimus. Omnia à sacris Canonicis, & œcumenicis
Co[n]cilijs definita, esse indubitanter recipienda.

urn:nbn:de:hbz:466:1-42264

Concilij Trid. antè Trident.

Articulus Decimus Septimus.

Omnia à sacris Canonis,
& œcumenicis Cōcilijs de-
finita, esse indubitanter
recipienda.

Verba Concilij.

*Cetera item omnia à sacris Ca-
nonibus, & œcumenicis Concilijs,
ac precipuè à Sacrosancta Triden-
tina Synodo tradita, definita &
declarata, indubitanter recipio
atque profiteor.*

Constantinus Imperator Ep: ad
Ecclesias de habita Nicea Sy-
nodo: Cùm ita se res habeat, li-
benibus animis coeleste hoc &
verè divinum suscipite præceptū:
quicquid enim in sanctis Episco-
porum

Articulus XVII.

porum agitur conventibus, id
ad divinam refertur voluntatem.

Theodosius & Valentinianus Ep.
ad Cyrillum: Jam inde à primis
usque temporibus non imperan-
tis cujuspiam, aut certè imperiū
usurpantis interminationes, aut
proterviæ; sed sanctorū Patrum,
sacrarūque Synodorum decre-
ta, eam nobis constituerunt do-
ctrinam. *Idem Epist: aliā ad eund.*
De indicta sanctissima Synodo
Ephesina nostra serenitas ad om-
nes omninò DEO dilectos Epi-
scopos Metropolitanos litteras
scripsit, quò nimirum hâc tan-
dem ratione turbæ, quæ ex mul-
tis dissidijs & concertationibus
hinc inde enatæ sunt, ritè secun-
dum Ecclesiasticos Canones cons-
topiantur.

Concilij Trid: antè Trident:

Gregorius Nazianzen. Orat: 21. que est in laud. S. Athanasij: Idcirco primum in sancto Concilio Nicææ habito, atque illo trecentorum atque duo de viginti lectissimorum Virorum numero, quos Spiritus sanctus in unum coegerat, quantum in ipso fuit morbum compressit. Vide & ipsum Athanasium Epist: ad Epictetum.

Valentinianus & Marcianus e. dicto quo interdicuntur, prohibenturq; disputationes de fide, act: 3. Synod: Chalcedonens. Cesset jam profana contentio. Nam verè impius & sacrilegus est, qui post tot Sacerdotum sententiam, opinioni suæ aliquid tractandum reliquit. Extremæ quippe dementiæ est in medio & perspicuo die commentitium lumen inquirere.

Articulus XVII.

21. rere. Quisquis enim post veri-
cit- tatem repertam aliquid ulterius
Ni. discutit, mendaciū quærit. Ne-
o. mo itaque vel Clericus vel mili-
is- tarius ordinis, vel alterius cujusli-
os- bet conditionis de fide Christia-
ge- na publicè turbis adunatis & au-
bū- dientibus tractare conetur in po-
ha- sterum, ex hoc tumultus & per-
e. fidia occasionē requirens. Nam
22. injuriam facit iudicio religiosis-
3. simæ Synodi, si quis semel judi-
am- cata & rectè disposita revolvere,
erè & publicè disputare contendit:
ost- cum ea, quæ nunc de Christiana
pis- fide statuta sunt, juxta Apostoli-
m- cas expositiones & statuta San-
de- ctorum Patrum trecentorum de-
uo- cem & octo, & ceterum quinqu-
ut- ginta, definita esse noscuntur.

Justinianus Imper: authentic. col.

R 4

lat. 9.

Concilij Trid antè Trident:

lat: 9. de Ecclesiastic. Titul. c. 1. Sancimus vicem legū obtinere sanctas Ecclesiasticas regulas, quæ à sanctis quatuor Concilijs expositæ sunt aut firmatæ. Prædictarum quatuor Synodorum dogmata, sicut sanctas Scripturas accipimus, & regulas sicut leges observamus. *vide eund. c. de summ. Trinit. & fid. Cathol.*

Hieronimus Epist. ad Damasum de trib. hypostas: Nunc probo dolor post Nicænam fidem, post Alexandrinum juncto pariter occidente decretum, trium hypostaseon ab Arrianorum præfule & campensibus, novellum à me homine Romano nomen exigitur. Qui, quæso, ista Apostoli prodidère? quis novus magister gentium Paulus hæc docuit?

S. Augu-

Articulus XVII.

*S. Augustin. Epist. 118. ad Ianuar.
cap. 1.* Illa, quæ non scripta, sed
tradita custodimus, quæ quidem
toto terrarum orbe observantur,
dantur intelligi, vel ab ipsis Apo-
stolis, vel à plenarijs Concilijs,
quorum est in Ecclesia saluber-
rima auctoritas, comendata atq;
statuta retineri.

Idem l. 7. contr. Donatist. c. 53.
Nobis tutum est in ea non pro-
gredi aliquâ temeritate senten-
tiæ, quæ nullo in Catholico re-
gionali concilio capta, nullo ple-
nario concilio terminata sunt:
id autem fiducia securæ vocis as-
serere, quod in gubernatione
Domini DEI nostri & Salvatoris
JESU Christi universalis Eccle-
siæ consensione roboratum est.

Vincentius Lyrinens. advers. hæ-

R 5

res:cap.

Concilij Trid: antè Trident.

res. cap. 42. Quod ne præsumptione magis nostrâ, quàm auctoritate Ecclesiasticâ promere videremur, exemplum adhibuimus sancti Concilij, quod antè triennium fermè in Asia apud Ephesum celebratum est: ubi cum de sanciendo fidei regulis disceptaretur, ne qua illic forsitan profana novitas in modum perfidiæ Ariminensis obreperet, universis Sacerdotibus, qui illo ducenti ferè numero convenerant, hoc Catholicissimum, felicissimum, atque optimum factum, visum est, ut in medium sanctorum Patrum sententiæ proferrètur, quorum alios Martyres, alios Confessores, omnes verò Catholicos Sacerdotes fuisse & permanisse constaret: ut scilicet ritè atque solen-

Articulus XVII

solenniter ex eorū consensu atq;
decreto antiqui dogmatis religio
confirmaretur, & profana novi-
tatis blasphemia, condemnare-
tur.

*LEO M. Epist 43. ad Martianū
August.* Obtestor & obsecro cle-
mentiam vestram, ut in præsentī
Synodo fidem, quam beati Patres
nostri ab Apostolis sibi traditam
prædicârunt, non patiamini qua-
si dubium retractari, & quæ olim
Majorum sunt autoritate, da-
mnata, rediivivis non permitta-
tis conatibus excitari &c.

Gregorius Mag. lib. 1. Epist 24.
Sicut sancti Evangelij quatuor
libros sic quatuor Concilia susci-
pere & venerari me fateor, Ni-
cænum scilicet, Constantinopo-
litanum quoque, Ephesinum e-

Concilij Trid: antè Trident:

tiam, Chalcedonense verò totâ devotione complector, integerrimâ approbatione custodiam; quia in his velut in quadrato lapide sanctæ fidei structura confurgit, & cujuslibet vitæ ac actionis norma cõsistit. Quisquis eorum soliditatem non tenet, etiamsi lapis esse cernitur, tamen extra ædificium jacet. Quintum quoque Concilium, pariter veneror. Cunctas verò quas præfata veneranda Concilia personas respuunt, respuo: quas venerantur, amplector: quia dum universali sunt consensu constituta, se & non illa destruit, quisquis præsumit aut solvere quos ligant. aut religare quos solvunt. Quisquis ergò aliud sapit, anathema sit.

Arti.